

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADSKO VIJEĆE**

**Broj: 01-\_\_\_\_\_/25**

\*\*\*\*\*  
**ZAPISNIK  
SA OSME SJEDNICE  
GRADSKOG VIJEĆA ZENICA  
održane 12. MAJA 2025. godine**  
\*\*\*\*\*

**MAJ, 2025. godine**

**ZAPISNIK SA OSME SJEDNICE GRADSKOG VIJEĆA ZENICA,  
ODRŽANE 12. 5. 2025. GODINE**

Sjednica je počela s radom u 10.32 sati.

Sjednicom je predsjedavala Snježana Vrhovac, predsjedavajuća Gradskog vijeća Zenica. Nakon uvodnog pozdrava predsjedavajuća Vijeća je konstatovala da su na sjednici prisutna 23 vijećnika. Vijećnik Halil Garanović je najavio odsustvo sa sjednice, dok su vijećnici Šemso Ormanović, Almir Dračo i Elvis Alijagić najavili kašnjenje.

Predsjedavajuća Vijeća je upozorila vijećnike da će se odsad na sjednicama Gradskog vijeća primjenjivati odredba člana 94. Poslovnika, s obzirom da je uočeno da pojedini vijećnici odu sa sjednice i da se potpisi vijećnika na početku i na kraju sjednice ne podudaraju. Predsjedavajuća Vijeća je pročitala odredbu člana 94. Poslovnika Gradskog vijeća.

Predsjedavajuća Vijeća je zatim pročitala Prijedlog dnevnog reda za 8. sjednicu Gradskog vijeća kako slijedi:

- 1. Zapisnik sa sedme sjednice Gradskog vijeća Zenica održane 10. 4. 2025. godine**
- 2. Prijedlog odluke o prihvatu ponude „Kalvarija-cop“ d.o.o. Vitez i zaključenju Ugovora o osnivanju prava građenja za izgradnju objekta i uspostavu funkcije javne podzemne garaže s pripadajućim sadržajima na lokalitetu Trg Bosne i Hercegovine u gradu Zenica**  
IZVJESTILAC: Mirsad Heleg, koordinator Komisije za provođenje ponovnog javnog konkursa za osnivanje prava građenja za izgradnju objekta i uspostavu funkcije javne podzemne garaže s pripadajućim sadržajima na lokalitetu Trg Bosne i Hercegovine u gradu Zenica
- 3. Prijedlog Odluke o stavljanju van snage Odluke o prenosu prava vlasništva na zemljištu i objektima u krugu kompleksa JU Kantonalna bolnica Zenica, uz naknadu**  
IZVJESTILAC: Selver Keleštura, sekretar Gradske uprave
- 4. Davanje svečane izjave gradskog pravobranioca**
- 5. Izvještaj o radu Gradske uprave i Gradonačelnika za 2024. godinu**  
IZVJESTILAC: Selver Keleštura, sekretar Gradske uprave
- 6. Izvještaj o izvršenju Budžeta Grada Zenica za 2024. godinu s prijedlogom Zaključka o usvajanju Izvještaja o izvršenju Budžeta Grada Zenica za 2024. godinu i rasporedu akumulisanog suficita Grada Zenica**  
IZVJESTILAC: predstavnik Službe za finansije
- 7. a) Izvještaj o realizaciji projekata izgradnje, rekonstrukcije i investicionog održavanja cestovne infrastrukture u 2024. godini**  
**b) Plan investicionih ulaganja u oblasti cestovne infrastrukture za 2025. godinu**  
IZVJESTILAC: Emina Kurtagić, pomoćnica Gradonačelnika za vodoprivredu, putnu infrastrukturu i mjesne zajednice
- 8. a) Izvještaj o realizaciji investicionih ulaganja u oblasti vodoprivrede u 2024. godini**  
**b) Plan investicionih ulaganja u oblasti vodoprivrede za 2025. godinu**

IZVJESTILAC: Emina Kurtagić, pomoćnica Gradonačelnika za vodoprivredu, putnu infrastrukturu i mjesne zajednice

**9. Izvještaj o radu JU Centar za socijalni rad Zenica u 2024. godini i Program rada JU Centar za socijalni rad Zenica za 2025. godinu**

IZVJESTILAC: Muamer Mehić, direktor JU Centar za socijalni rad Zenica

**10. Izvještaj o radu savjeta i povjerenika mjesnih zajednica Grada Zenica u 2024. godini**

IZVJESTILAC: Emina Kurtagić, pomoćnica Gradonačelnika za vodoprivredu, putnu infrastrukturu i mjesne zajednice

Vijećnik Faris Hazić kao dopunu Prijedloga dnevnog reda predložio je Inicijativu za usvajanje Zaključka o formiranju radne grupe od predstavnika Gradske uprave Grada Zenica, JP „Parking servis“ d.o.o. Zenica i Crvenog križa Grada Zenica, s ciljem definisanja odluke o besplatnom parkingu na području Grada Zenica za osobe koje su dobrovoljni davaoci krvi s 25 i više donacija krvi, a koje imaju prebivalište na području Grada Zenica. Gradonačelnik je pojasnio da bi navedeni prijedlog u praksi bilo teško realizovati i da je puno bolje da se donese odluka da Grad dobrovoljne davaoce krvi s 25 i više donacija krvi svake godine finansijski nagradi.

Vijećnici su se izjasnili glasanjem o prijedlogu dopune vijećnika Farisa Hazića s 13 glasova „ZA“, bez glasova „PROTIV“ i 11 glasova „UZDRŽAN“ nakon čega je predsjedavajuća Vijeća konstatovala da ova tačka nije dobila dovoljno glasova.

Vijećnik Elmir Duvnjak predložio je produženje roka za podnošenje zahtjeva za postavljanje ljetnih bašti do 20. 5. 2025. godine. Vijećnici su se izjasnili glasanjem o navedenom prijedlogu s 15 glasova „ZA“, bez glasova „PROTIV“ i 9 glasova „UZDRŽAN“ nakon čega je predsjedavajuća Vijeća konstatovala da ovaj prijedlog nije dobio potrebnu većinu. Vijećnik Denan Pašalić predložio je pojedinačno izjašnjavanje vijećnika. Nakon pojedinačnog izjašnjavanja vijećnika, predsjedavajuća Vijeća je konstatovala da je nakon pojedinačnog glasanja rezultat isti i da s 15 glasova „ZA“, bez glasova „PROTIV“ i 9 glasova „UZDRŽAN“ ovaj prijedlog nije dobio potrebnu većinu.

Vijećnik Sead Bolić predložio je da se u Prijedlog dnevnog reda uvrsti Prijedlog Odluke o načinu povjeravanja na upravljanje i korištenje zemljišta i objekata kompleksa Kantonalne bolnice Zenica, koji je Gradsko vijeće razmatralo i usvojilo u septembru 2024. godine, uz dopunu u čl. 4. te odluke na način da se iza riječi „uz obavezu pribavljanja mišljenja Gradskog pravobranilaštva“ dodaju riječi „prije zaključenja ugovora“.

Vijećnik Sead Bolić je pročitao cijeli tekst odluke, a zatim su se vijećnici izjasnili glasanjem o navedenom prijedlogu odluke s 10 glasova „ZA“, 4 glasa „PROTIV“ i 11 glasova „UZDRŽAN“ nakon čega je predsjedavajuća Vijeća konstatovala da ovaj prijedlog nije dobio potrebnu većinu.

**Vijećnici su se nakon izjašnjavanja o prijedlozima za dopunu Prijedloga dnevnog reda izjasnili glasanjem o pročitanoj Prijedlogu dnevnog reda za 8. sjednicu i isti usvojili sa 16 glasova „ZA“, 9 glasova „PROTIV“ i bez glasova „UZDRŽAN“.**

**Tačka 1. Zapisnik sa sedme sjednice Gradskog vijeća Zenica održane 10. 4. 2025. godine**

Zapisnik sa sedme sjednice Gradskog vijeća Zenica održane 10. 4. 2025. godine usvojen je jednoglasno bez primjedbi s 25 glasova „ZA“, bez glasova „PROTIV“ i „UZDRŽAN“.

## **Tačka 2. Prijedlog odluke o prihvatu ponude „Kalvarija-cop“ d.o.o. Vitez i zaključenju Ugovora o osnivanju prava građenja za izgradnju objekta i uspostavu funkcije javne podzemne garaže s pripadajućim sadržajima na lokalitetu Trg Bosne i Hercegovine u gradu Zenica**

Vijećnicima je prezentovana video prezentacija Idejnog projekta uređenja Trga Bosne i Hercegovine, a zatim je Mirsad Heleg, savjetnik Gradonačelnika i koordinator Komisije za provođenje ponovnog javnog konkursa za osnivanje prava građenja za izgradnju objekta i uspostavu funkcije javne podzemne garaže s pripadajućim sadržajima na lokalitetu Trg Bosne i Hercegovine u gradu Zenica dao uvodne napomene za ovu tačku dnevnog reda.

U diskusiji o ovoj tački dnevnog reda učestvovali su vijećnici: Namir Škaljo, Faruk Hodžić, Semir Huseinović, Amra Mehmedić, Nermin Mehić, Nihad Durmić, Almir Dračo i Halil Arnaut.

U diskusiji su učestvovali Fuad Kasumović, Gradonačelnik Grada Zenica i Mirsad Heleg, savjetnik Gradonačelnika dajući pojašnjenja i odgovore na postavljena pitanja vijećnika učesnika u raspravi.

U toku diskusije o ovoj tački dnevnog reda predsjedavajuća Vijeća je dala pauzu u trajanju od 10 minuta u 11.32 sati, pa je sjednica nastavila s radom u 11.49 sati.

Po zaključenju diskusije o tački dnevnog reda predsjedavajuća Vijeća je dala na glasanje prijedlog zaključka vijećnika Namira Škalje koji glasi: „Ukoliko odabrani ponuđač „Kalvarija-cop“ d.o.o. Vitez neopravdano odustane od zaključenja Ugovora o osnivanju prava građenja za izgradnju objekta i uspostavu funkcije javne podzemne garaže s pripadajućim sadržajima na lokalitetu Trg Bosne i Hercegovine u gradu Zenica, ovaj ponuđač gubi pravo da učestvuje na bilo kakvim drugim istim ili sličnim pozivima grada Zenice.“ Vijećnici su se izjasnili glasanjem o navedenom prijedlogu zaključka vijećnika Namira Škalje s 10 glasova „ZA“, 5 glasova „PROTIV“ i 9 glasova „UZDRŽAN“ nakon čega je predsjedavajuća Vijeća konstatovala da ovaj zaključak nije dobio potrebnu većinu.

Predsjedavajuća Vijeća je zatim dala na glasanje Prijedlog Odluke o prihvatu ponude „Kalvarija-cop“ d.o.o. Vitez i zaključenju Ugovora o osnivanju prava građenja za izgradnju objekta i uspostavu funkcije javne podzemne garaže s pripadajućim sadržajima na lokalitetu Trg Bosne i Hercegovine u gradu Zenica, te nakon glasanja konstatovala da je sa **17 glasova „ZA“, bez glasova „PROTIV“ i 9 glasova „UZDRŽAN“ usvojen** Prijedlog Odluke o prihvatu ponude „Kalvarija-cop“ d.o.o. Vitez i zaključenju Ugovora o osnivanju prava građenja za izgradnju objekta i uspostavu funkcije javne podzemne garaže s pripadajućim sadržajima na lokalitetu Trg Bosne i Hercegovine u gradu Zenica.

## **Tačka 3. Prijedlog Odluke o stavljanju van snage Odluke o prenosu prava vlasništva na zemljištu i objektima u krugu kompleksa JU Kantonalna bolnica Zenica, uz naknadu**

Uvodne napomene za ovu tačku dnevnog reda dao je Selver Keleštura, sekretar Gradske uprave.

U diskusiji o ovoj tački dnevnog reda učestvovali su vijećnici: Nihad Durmić, Ernad Bešlagić, Amra Mehmedić, Nermin Mehić, Namir Škaljo i Denan Pašalić.

Fuad Kasumović, Gradonačelnik Grada Zenica i Selver Keleštura, sekretar Gradske uprave učestvovali su u raspravi dajući pojašnjenja.

Po zaključenju diskusije vijećnici su se izjasnili glasanjem o Prijedlogu Odluke o stavljanju van snage Odluke o prenosu prava vlasništva na zemljištu i objektima u krugu kompleksa JU Kantonalna bolnica Zenica, uz naknadu nakon čega je predsjedavajuća Vijeća konstatovala da je s **25 glasova „ZA“, bez glasova „PROTIV“ i 1 glasom „UZDRŽAN“ usvojen** Prijedlog Odluke o stavljanju van snage Odluke o prenosu prava vlasništva na zemljištu i objektima u krugu kompleksa JU Kantonalna bolnica Zenica, uz naknadu.

Na prijedlog vijećnice Amre Mehmedić Vijeće je sa 16 glasova „ZA“, 8 glasova „PROTIV“ i bez glasova „UZDRŽAN“ donijelo

## ZAKLJUČAK

### I

Ovlašćuje se Gradska uprava i Gradonačelnik da prilikom zaključenja ugovora o uslovima i načinu korištenja prostora u objektima JU Kantonalna bolnica Zenica i drugih objekata neophodnih za funkcionisanje JU Kantonalna bolnica Zenica mogu utvrditi posebnu metodologiju za izračun visine naknade / zakupnine, uvažavajući okolnost da jedan dio objekata i prostora nisu obuhvaćeni važećom metodologijom iz Odluke o zakupu poslovnih prostora ("Službene novine Grada Zenica", broj 3/18 i 7/24).

Prilikom utvrđivanja visine naknade uzet će se u obzir da je riječ o djelatnosti i subjektu od javnog interesa, te postojeća praksa i tržišne okolnosti u ovoj oblasti.

### II

Metodologija za izračun visine naknade / zakupnine iz tačke I Zaključka će se nakon utvrđivanja od strane Gradske uprave i Gradonačelnika dostaviti Gradskom vijeću na usvajanje.

### III

Ovlašćuje se Gradonačelnik za potpisivanje ugovora sa JU Kantonalna bolnica Zenica, s tim što će se ugovor dostaviti na mišljenje Gradskom pravobranilaštvu.

### IV

Ovaj Zaključak stupa na snagu danom donošenja.

#### **Tačka 4. Davanje svečane izjave gradskog pravobranioca**

Zlatko Osmanović, gradski pravobranilac je dao svečanu izjavu pred Gradskim vijećem.

Nakon svečane izjave pravobranioca Predsjedavajuća Vijeća je u 13.47 sati dala pauzu do 14.45 sati. Sjednica je nastavila s radom u 15.03 sati.

#### **Tačka 5. Izvještaj o radu Gradske uprave i Gradonačelnika za 2024. godinu**

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnik Namir Škaljo i Fuad Kasumović, Gradonačelnik Grada Zenica koji je vijećniku Namiru Škalji odgovorio na postavljena pitanja.

Nakon zaključenja rasprave vijećnici su se izjasnili glasanjem o Izvještaju o radu Gradske uprave i Gradonačelnika za 2024. godinu nakon čega je predsjedavajuća Vijeća konstatovala da je Izvještaj o radu Gradske uprave i Gradonačelnika za 2024. godinu usvojen sa 17 glasova „ZA“, 4 glasa „PROTIV“ i 2 glasa „UZDRŽAN“.

#### **Tačka 6. Izvještaj o izvršenju Budžeta Grada Zenica za 2024. godinu s prijedlogom Zaključka o usvajanju Izvještaja o izvršenju Budžeta Grada Zenica za 2024. godinu i rasporedu akumulisanog suficita Grada Zenica**

Nije bilo potrebe za uvodnim napomenama.

U raspravi niko nije učestvovao.

Vijećnici su sa 17 glasova „ZA“, 5 glasova „PROTIV“ i bez glasova „UZDRŽAN“ usvojili Izvještaj o izvršenju Budžeta Grada Zenica za 2024. godinu s prijedlogom Zaključka o usvajanju Izvještaja o izvršenju Budžeta Grada Zenica za 2024. godinu i rasporedu akumulisanog suficita Grada Zenica.

Prije prelaska na narednu tačku dnevnog reda Gradonačelnik je upoznao vijećnike da sjednici prisustvuju dva nova pomoćnika Emir Kovač, pomoćnik Gradonačelnika za finansije i Emina Kurtagić, pomoćnica Gradonačelnika za vodoprivredu, putnu infrastrukturu i mjesne zajednice.

**Tačka 7. a) Izvještaj o realizaciji projekata izgradnje, rekonstrukcije i investicionog održavanja cestovne infrastrukture u 2024. godini**

**b) Plan investicionih ulaganja u oblasti cestovne infrastrukture za 2025. godinu**

Nije bilo potrebe za uvodnim napomenama.

Gradonačelnik je vijećnicima predložio pauzu kako bi se razmotrilo šta je još neophodno da se uradi i uvrsti u Plan investicionih ulaganja u oblasti cestovne infrastrukture za 2025. godinu.

U diskusiji o ovoj tački dnevnog reda učestvovali su vijećnici: Nermin Mehić, Namir Škaljo, Emina Babić, Sead Bolić, Nihad Durmić, Faris Hazić, Denan Pašalić, Almir Dračo, Elvis Alijagić, Amra Mehmedić, Šemso Ormanović, Semir Huseinović, Samra Arnaut, Mirza Husetić, Elmir Duvnjak, Ernad Bešliagić i Snježana Vrhovac, predsjedavajuća Vijeća, koji su dali prijedloge za dopunu Plana investicionih ulaganja. Fuad Kasumović, Gradonačelnik Grada Zenica učestvovao je u diskusiji dajući pojašnjenja.

Predsjedavajuća Vijeća je u 15.49 sati dala pauzu do 16.05 sati.

Nakon pauze Gradonačelnik je upoznao vijećnike koji dodatni projekti će biti sastavni dio Plana investicionih ulaganja u oblasti cestovne infrastrukture za 2025. godinu.

Određeno pojašnjenje u vezi s prijedlogom vijećnika Almira Drače dala je Sabira Helvida, savjetnik Gradonačelnika za komunalne djelatnosti i infrastrukturu.

Po zaključenju rasprave vijećnici su se izjasnili glasanjem o Izvještaju o realizaciji projekata izgradnje, rekonstrukcije i investicionog održavanja cestovne infrastrukture u 2024. godini i isti usvojili s 25 glasova „ZA“, bez glasova „PROTIV“ i bez glasova „UZDRŽAN“, a zatim o Planu investicionih ulaganja u oblasti cestovne infrastrukture za 2025. godinu s predloženim dopunama i isti usvojili s 25 glasova „ZA“, bez glasova „PROTIV“ i bez glasova „UZDRŽAN“.

**Tačka 8. a) Izvještaj o realizaciji investicionih ulaganja u oblasti vodoprivrede u 2024. godini**

**b) Plan investicionih ulaganja u oblasti vodoprivrede za 2025. godinu**

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnik Sead Bolić i Emina Kurtagić, pomoćnica Gradonačelnika za vodoprivredu, putnu infrastrukturu i mjesne zajednice.

Po zaključenju rasprave vijećnici su se izjasnili glasanjem o Izvještaju o realizaciji investicionih ulaganja u oblasti vodoprivrede u 2024. godini i isti usvojili s 25 glasova „ZA“, bez glasova „PROTIV“ i bez glasova „UZDRŽAN“, a zatim o Planu investicionih ulaganja u oblasti vodoprivrede za 2025. godinu i isti usvojili s 25 glasova „ZA“, bez glasova „PROTIV“ i bez glasova „UZDRŽAN“.

**Tačka 9. Izvještaj o radu JU Centar za socijalni rad Zenica u 2024. godini i Program rada JU Centar za socijalni rad Zenica za 2025. godinu**

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici Ernad Bešliagić i Almir Dračo. Muamer Mehić, direktor JU Centar za socijalni rad Zenica odgovorio je na postavljena pitanja vijećnika učesnika u raspravi.

Po zaključenju diskusije vijećnici su se izjasnili glasanjem o Izvještaju o radu JU Centar za socijalni rad Zenica u 2024. godini i Programu rada JU Centar za socijalni rad Zenica za 2025. godinu nakon čega je predsjedavajuća Vijeća konstatovala da je sa 18 glasova „ZA“, bez glasova „PROTIV“ i 6

glasova „UZDRŽAN“ usvojen Izvještaj o radu JU Centar za socijalni rad Zenica u 2024. godini i Program rada JU Centar za socijalni rad Zenica za 2025. godinu.

**Tačka 10. Izvještaj o radu savjeta i povjerenika mjesnih zajednica Grada Zenica u 2024. godini**

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici Denan Pašalić i Namir Škaljo.

Po zaključenju diskusije predsjedavajuća Vijeća je pročitala prijedlog zaključka vijećnika Namira Škalje koji glasi: „U izvještajima o radu savjeta i povjerenika mjesnih zajednica za 2025. i za naredne izvještaje u izvještaje uvrstiti pregled aktivnosti svakog člana savjeta mjesnih zajednica u pogledu njegovih prisustava sjednicama savjeta mjesnih zajednica, a i drugim mjerljivim aktivnostima koje može napisati predsjednik savjeta mjesnih zajednica. Također izvještaji od savjeta mjesne zajednice prema Gradskoj upravi moraju biti potpisani od strane svakog člana savjeta mjesnih zajednica“.

Vijećnici su se izjasnili glasanjem o prijedlogu zaključka vijećnika Namira Škalje nakon čega je predsjedavajuća Vijeća konstatovala da s 12 glasova „ZA“, 1 glasom „PROTIV“ i 11 glasova „UZDRŽAN“ nije usvojen navedeni zaključak.

Vijećnici su se izjasnili glasanjem o Izvještaju o radu savjeta i povjerenika mjesnih zajednica Grada Zenica u 2024. godini nakon čega je predsjedavajuća Vijeća konstatovala da je sa 17 glasova „ZA“, bez glasova „PROTIV“ i 7 glasova „UZDRŽAN“ usvojen Izvještaj o radu savjeta i povjerenika mjesnih zajednica Grada Zenica u 2024. godini.

Sjednica je zaključena i završila s radom u 16.33 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.

**PREDSJEDAVAJUĆA  
GRADSKOG VIJEĆA  
Snježana Vrhovac**